



**SURUHANJAYA PILIHAN RAYA MALAYSIA**

## **KENYATAAN MEDIA**

**BIL. 13 / 2022**

### **MENJELANG PROSES PENGUNDIAN PILIHAN RAYA UMUM (PRU) DEWAN NEGERI JOHOR KE-15**

1. Hari ini Suruhanjaya Pilihan Raya Malaysia (SPR) telah menjalankan semakan peralatan mengundi seperti peti undi, dakwat pilihan raya, kertas undi, petak undi dan sebagainya untuk kegunaan bagi proses pengundian yang akan dijalankan esok.
2. Semakan ini untuk memastikan semua peralatan atau kelengkapan bagi pengundian pada hari esok lengkap dan berkeadaan baik. Peralatan ini diagihkan kepada Ketua-Ketua Tempat Mengundi (KTM) bagi setiap Saluran Mengundi.
3. Sebanyak **1,021 Pusat Mengundi** dan **4,638 Saluran** akan dibuka esok untuk tujuan pengundian dengan seramai **49,290 orang petugas** akan bertugas bagi proses pengundian esok.
4. Seramai **2,539,606 orang pengundi** bakal mengundi di PRU Dewan Negeri Johor Ke-15 esok. SPR berharap semua pengundi dapat menjalankan tanggungjawab mereka dengan keluar mengundi.

## MASA KELUAR MENGUNDI

5. Pengundi dinasihatkan supaya keluar mengundi mengikut **Masa Keluar Mengundi Yang Digalakkan** seperti mana yang tercatat pada aplikasi MySPR Semak. Sekiranya pengundi tidak dapat hadir pada masa keluar mengundi yang digalakkan atas sebab-sebab tertentu, pengundi masih boleh keluar mengundi mengikut kelapangan masa dari jam **8.00 pagi hingga 6.00 petang ATAU waktu yang telah diwartakan**. Namun demikian, pengundi adalah dinasihatkan untuk tidak keluar mengundi pada saat-saat akhir.
6. SPR juga ingin mengingatkan para majikan supaya membenarkan pekerja mereka yang berdaftar sebagai pemilih untuk keluar mengundi pada PRU Dewan Negeri Johor Ke-15 esok sebagaimana diperuntukkan di bawah **Seksyen 25(1) Akta Kesalahan Pilihan Raya 1954**.

## TAMAT TEMPOH RASMI BERKEMPEN

7. SPR sekali lagi mengingatkan semua pihak yang bertanding bahawa tempoh rasmi berkempen akan tamat pada malam ini iaitu sehingga jam **11.59 minit malam, 11 Mac 2022**.
8. Selepas tempoh itu berakhir, semua pihak hendaklah menghentikan sebarang bentuk aktiviti berkempen termasuk aktiviti merayu undi.

9. Mana-mana pihak **TIDAK BOLEH** merayu undi termasuklah di luar Pusat Mengundi dan juga melalui saluran media sosial seperti *Facebook, Twitter, Instagram* dan lain-lain.
10. SPR juga mengingatkan bahawa semua parti atau calon bertanding adalah dilarang untuk membuka, membina atau menyelenggara barung semasa Hari Mengundi. Mana-mana pihak yang melakukan kesalahan ini akan diambil tindakan undang-undang.

### **PROSEDUR OPERASI STANDARD (SOP) PENCEGAHAN COVID-19 PRU DEWAN NEGERI JOHOR KE-15**

11. Pada hari mengundi, semua pengundi diwajibkan memakai pelitup muka (*face mask*), menggunakan pensanitasi tangan (*hand sanitizer*) dan merekodkan kehadiran serta mengamalkan penjarakan fizikal.
12. **Pensanitasi tangan** akan dibekalkan di semua pusat mengundi pada hari mengundi kelak. Pengundi perlu melalui penggunaan pensanitasi tangan di **empat (4) stesen** dalam pusat mengundi iaitu **di pintu masuk pusat mengundi, di pintu masuk saluran, di dalam saluran (selepas proses mencelup jari dengan dakwat kekal iaitu sebelum menerima kertas undi) dan sebelum keluar dari pusat mengundi**. Petugas pilihan raya akan memantau pergerakan pengundi bagi memastikan Garis Panduan ini dipatuhi sepanjang berada dalam pusat mengundi.
13. Pengundi yang bergejala akan tetap dibenarkan mengundi di khemah khas yang dipantau oleh pegawai kesihatan. Pengundi

berkenaan akan diuruskan oleh pegawai kesihatan untuk pemeriksaan dan tindakan lanjut. Manakala pengundi berstatus ***Patient Under Investigation (PUI)*** dan ***Person Under Surveillance (PUS)*** yang ingin mengundi hendaklah memohon kebenaran dari Pegawai Kesihatan Daerah (PKD), Pejabat Kesihatan Daerah yang mengawasi Arahan Perintah Pengawasan dan Pemerhatian berkenaan, untuk keluar sementara ke Pusat Mengundi. **Kebenaran ini adalah tertakluk kepada penilaian risiko jangkitan oleh Pegawai Kesihatan Daerah** tersebut dan pengundi perlu mematuhi semua garis panduan yang ditetapkan oleh KKM.

#### **MEMAKAI BAJU ATAU MEMBAWA *MATERIAL* BERSIMBOL PARTI ATAU BERUNSUR KEMPEN CALON**

14. SPR sekali lagi menegaskan kepada semua pihak khususnya pengundi, calon dan petugas yang ingin memasuki Pusat Mengundi pada Hari Mengundi **tidak memakai baju / topi / pelitup separuh muka (facemask) atau membawa *material* yang mempunyai nama / simbol / gambar parti atau calon yang bertanding atau apa-apa bahan kempen serta sebarang *tagline* atau slogan kempen yang menjurus atau membawa maksud sokongan atau cenderung kepada mana-mana fahaman politik.**
15. Mana-mana pengundi atau individu yang gagal mematuhi undang-undang boleh dihalang dari memasuki Pusat Mengundi dan dikenakan tindakan undang-undang sekiranya berbuat demikian.
16. SPR berharap semua pihak mematuhi undang-undang, peraturan dan etika pilihan raya bagi memastikan kelancaran proses pilihan

raya serta tidak menggugat ketenteraman awam. Sebarang pelanggaran undang-undang yang berkaitan boleh dikenakan tindakan.

Sekian, terima kasih.

**DATO' INDERA IKMALRUDIN ISHAK**

Setiausaha

Suruhanjaya Pilihan Raya Malaysia

11 Mac 2022 / 8 Syaaban 1443H